

欽定續通志卷二十五

宋紀

太祖

太祖皇帝姓趙氏諱匡胤其先封趙城因以爲氏漢京兆尹廣漢居涿郡遂世爲涿郡人高祖眘仕唐爲縣令曾祖珽厯藩鎮從事兼御史中丞祖敬厯營薊涿三州刺史敬生弘殷唐莊宗時典禁軍漢乾祐中以討王景崇功

宋史作王景據五代史增輯

遷護聖都指揮使周顯德中從征

淮南平揚州加檢校司徒封天水縣男是爲宣祖帝宣

祖次子也母曰昭憲皇后杜氏帝容貌雄偉氣度豁如
周太祖以樞密使征李守貞太祖應募居帳下廣順初
補東西班行首厯開封府馬直軍使世宗卽位以太祖
典禁軍從世宗戰高平大敗北漢兵還拜殿前都虞候
領嚴州刺史從征淮南首敗唐人於渦口唐將皇甫暉
姚鳳以眾十五萬塞清流關太祖引兵出山後暉等大
驚退入滁州太祖追至城下暉請成列以決勝負太祖
許之暉整陣出太祖擁馬項直入手刃暉中腦并姚鳳
禽之遂克滁州時宣祖爲馬軍副都指揮使率兵之半

至城下傳呼開門太祖曰父子雖至親城門啟閉王事
也不敢奉命詔旦宣祖乃得入韓令坤下揚州南唐援
兵大至令坤將棄城避之世宗命太祖將兵屯六合太
祖下令曰揚州兵敢有過六合者斷其足自是令坤始
固守太祖尋敗唐齊王景達於六合東進殿前都指揮
使尋拜定國軍節度使四年從征壽春遂下壽州徙義
成軍節度使檢校太保仍殿前都指揮使復從征濠泗
爲前鋒時南唐設砦於十八里灘世宗方議以橐駝濟
師太祖獨躍馬截流先渡麾下騎隨之遂破其砦乘勝

攻泗州下之進拔楚州大敗唐人於灤江口直抵南岸
焚其營柵又破之於瓜步淮南平五年徙忠武軍節度
使六年從世宗北征爲水陸都部署克瓦橋關降其守
將姚內斌遂定莫州世宗在道閱文書於韋囊中得木
版題云點檢作天子異之時張承德爲點檢世宗不豫
還京師卽拜太祖檢校太傅殿前都點檢以代承德恭
帝卽位徙歸德軍節度使檢校太尉七年春或告北漢
結遼人入寇太祖出師禦之次陳橋驛夜五鼓軍士集
驛門宣言策點檢爲天子遲明逼寢所太宗與趙普入

帳中密白其事露刃列於庭有以黃衣加太祖身者眾

皆羅拜呼萬歲

謹按通鑑輯覽

御批陳橋兵變論

足之親趙普以心腹之寄毅然部分復入帳中密白使非微窺宋祖隱微豈至若此且其受命而出因變而返遽行禪代絕無愧辭更足啟後人訾議雖當時朝不易位市不易肆其後布武修文撥亂反正而其得國之不以道人豈能

曲爲原諒哉

卽掖太祖上馬太祖謂諸將曰我有號令

爾等能從乎皆下馬曰唯命太祖曰太后主上吾所北

面事者汝輩不得驚犯大臣皆我比肩朝廷府庫及士

庶之家不得侵掠違者吾不貸也諸將皆載拜肅隊南

行自仁和門入副都指揮使韓通謀禦之散員都指揮

使王彥昇先入京逐通殺之太祖進登明德門令甲士
歸營遂退居點檢公署有頃諸將擁宰相范質王溥魏
仁浦至太祖嗚咽流涕曰違負天地乃至於此質等未
及對列校羅彥瓌等按劔厲齊曰我輩無主今日須得
天子質等相顧逡巡降階拜日晡班定翰林學士承旨
陶穀出周恭帝禪位制書於袖中宣徽使引太祖就庭
北面拜受已乃掖太祖升崇元殿卽皇帝位是日遷恭
帝及符后於西宮降封恭帝曰鄭王而尊符后爲周太

后

建隆元年春正月乙巳大赦改元定有天下之號曰宋
加恩中外及貶降流配者遣使徧告郡國戊申贈韓通
中書令以禮收葬辛亥論翊戴功以周義成軍節度使
殿前都指揮使石守信爲歸德軍節度使侍衛親軍馬
步軍副都指揮使寧江軍節度使侍衛親軍馬軍都指
揮使高懷德爲義成軍節度使殿前副都檢點宋史寧江軍作
江寧軍考五代無江寧軍茲據東武信軍節度使侍衛
都事略改下張光翰之寧江軍同親軍步軍都指揮使張令鐸爲鎮安軍節度使侍衛親
軍馬步軍都虞候殿前都虞候王審琦爲泰寧軍節度

使殿前都指揮使虎韃右廂都虞候張光翰爲寧江軍
節度使侍衛親軍馬軍都指揮使龍韃右廂都指揮使
趙彥徽爲武信軍節度使侍衛親軍步軍都指揮使其
餘領軍者並進爵乙卯遣使分振諸州丁巳命周宗正
郭玘祀周陵廟仍以時祭享癸亥以周天雄軍節度使
魏王符彥卿守太師雄武軍節度使王景守太保太原
郡王定難軍節度使守太傅西平王李彝殷守太尉荆
南節度使高保融守太傅餘領節鎮者並進爵甲子賜
弟殿前都虞候匡義名光義己巳立太廟成德軍節度

使郭崇報北漢及遼師竟不出二月乙亥尊母南陽郡
夫人杜氏爲皇太后以周宰相范質依前守司徒兼侍
中王溥守司空兼門下侍郎魏仁浦爲尙書右僕射兼
中書侍郎並同中書門下平章事樞密使吳廷祚同中
書門下三品庚寅賜進士楊礪等十九人及第出身

宋史

無此條今據宏簡錄首
著於此自後槩不復著

三月丙辰南唐主李景吳越王

錢俶遣使來賀壬戌定國運以火德王色尙赤臘用戊
癸亥命武勝軍節度使宋延渥等率舟師巡江徼夏四
月癸酉寶儼上二舞十二樂曲名樂章丙戌浚蔡河癸

已周昭義軍節度使李筠拒命遣歸德軍節度使石守信討之五月己亥朔日有食之庚子以昭化軍節度使慕容延釗彰德軍節度使王全斌將兵出東道會守信討李筠壬寅竇儼上太廟舞曲名癸卯石守信敗李筠於長平己酉西京作周六廟成丁巳下詔親征以樞密使吳廷祚留守上都都虞候光義爲大內都點檢命天平軍節度使韓令坤將兵屯河陽己未發京師丁卯石守信高懷德破李筠於澤州六月辛未拔澤州筠自焚死甲申免澤州今歲租乙酉進攻潞州丁亥筠子守節

以城降辛卯大赦錄死事者子孫丁夫給復三年甲午
永安節度使折德展破北漢於沙谷砦秋七月戊申帝
至自潞甲子遣工部侍郎艾穎拜嵩慶陵乙丑南唐遣
使者來賀平澤潞八月壬午以光義領泰寧軍節度依
前殿前都虞候甲申立琅琊郡夫人王氏爲皇后九月
丙午追諡高祖曰文獻皇帝廟號僖祖妣崔氏曰文懿
皇后曾祖曰惠元皇帝廟號順祖妣桑氏曰惠明皇后
祖曰簡恭皇帝廟號翼祖妣劉氏曰簡穆皇后皇考曰
武昭皇帝廟號宣祖己未周淮南節度使李重進拒命

遣石守信討之冬十月乙酉晉州兵馬鈐轄荆罕儒襲
北漢汾州死之丁亥詔親征揚州以光義爲大內都部
署吳廷祚權上都留守庚寅發京師十一月丁未攻揚
州拔之重進自焚死戊申命諸軍習戰艦於迎鑾鎮乙
卯南唐主遣使來犒師庚申遣其子從鎰來朝十二月
丁亥帝至自揚州辛卯泉州節度使留從效稱藩

二年春正月庚子占城國遣使者來壬寅幸造船務觀
習水戰丁巳導蔡水入潁甲子澤州刺史張崇勳坐黨
李重進棄市二月壬申疏五丈河己丑定竊盜律夏四

月癸巳朔日有食之王寅詔郡國置前代帝王賢臣陵
冢戶已酉無棣男子趙遇詐稱皇帝伏誅己未商河縣
令李瑤坐贓杖死庚申班私鹽及私造酒麴律五月癸
亥以皇太后疾赦雜犯死罪以下丙寅三佛齊國遣使
者來丁丑以安邑解兩池鹽給徐宿鄆濟庚寅供奉官
李繼昭坐盜賣官船棄市六月甲午皇太后崩庚申釋
服秋七月壬申以光義爲開封府尹光美行興元尹八
月壬寅詔諸大辟送所屬州軍決判甲辰南唐主李景
率子煜嗣遣使請追尊帝號許之己酉削易定節度使

同平事事孫行友官辛亥女眞國遣使者來永濟主簿
郭顗坐贓棄市庚申周世宗實錄成九月甲子遼解利
來降荆南節度使高保勗遣其弟保寅來朝冬十月癸
巳南唐遣使來會皇太后葬戊戌禁邊民盜塞外馬十
一月己巳如相國寺遂如國子監癸酉沙州節度使曹
元忠瓜州團練使曹延繼等遣使者來十二月壬申回
鶻可汗景瓊遣使者來乙未昭義軍節度使李繼勳敗
北漢軍於遼州辛丑如新修河倉庚戌畋於近郊

三年春正月己巳振淮南饑甲戌廣皇城詔郡國長吏

勸民播種癸未如國子監二月丙辰復如國子監遂如
迎春苑己亥更定竊盜律甲寅北漢寇潞州守將擊走
之三月己巳詔郡國犯大辟者刑部審覆丁亥命徙北
漢降人於邢洛夏四月乙巳追冊夫人賀氏爲皇后五
月甲子如相國寺禱雨遂如迎春苑乙亥開太行山運
路癸未命使檢諸州旱甲申詔均戶役復如相國寺禱
雨六月辛卯振宿州饑癸巳吳廷祚以雄武軍節度使
罷己亥減京畿河北死罪以下壬子蕃部尙波于等犯
渭北知秦州高防擊走之乙卯如迎春苑秋七月壬戌

放南唐降卒歸其國乙丑免舒州蕪湖新稅丁卯索內
外軍不律者配沙門島己卯北漢捉生指揮使路貴等
來降辛巳遣從臣檢河北旱八月癸巳蔡河務綱官王
訓等四人獲罪坐以糠土雜軍糧磔於市乙未詔凡行
賂獲薦者許告訐舉書判拔萃科九月庚午吐蕃尙波
于等歸伏羌縣地冬十月丙戌如太清觀遂如造船務
觀習水戰己亥如岳臺命諸軍習騎射復如玉津園辛
丑以樞密副使趙普爲樞密使辛亥畋於近郊十一月
癸亥詔縣令考課以戶口增減爲黜陟己卯畋於近郊